

ФАРФОНА ВИЛОЯТИ МАҲАЛЛИЙ БЮДЖЕТИНИНГ 2022 ЙИЛ УЧУН БЮДЖЕТ ЛОЙИҲАСИ МУҲОКАМАСИ БЎЛИБ ЎТДИ

Бугун вилоят ҳокимлигига видеоконференцалоқа шаклида вилоят маҳаллий бюджетининг 2022 йил учун бюджет лойиҳаси муҳокамасига бағишиланган семинар ташкил этилди.

Унда Молия вазирининг ўринбосари Одилбек Исақов, вилоят ҳокими ўринбосари Файзулло Қосимов, халқ депутатлари вилоят, туман ва шаҳар Кенгашлари депутатлари, маҳаллий бошқарув органлари раҳбарлари ва масъул ходимлар иштирок этди.

Муҳокама-семинарда “2022 йил учун Ўзбекистон Республикасининг Давлат бюджети тўғрисида”ги Қонуни лойиҳасидан келиб чиқиб 2022 йилги бюджет-солиқ сиёсатида кўзда тутилаётган асосий ўзгаришлар ҳақида тўхталиб ўтилди. Вилоят молия бош бошқармаси бошлиғининг ўринбосари Ғанижон Солиев Фарфона вилояти бўйича 2022 йилги маҳаллий бюджет параметрлари юзасидан ўз маъruzасини ўқиб эшилтириди.

Жорий йилнинг ўтган 9 ойи давомида вилоятнинг маҳаллий бюджет даромадлари ижроси 2 трлн. 404,3 млрд. сўмни (прогноз 1 трлн. 878,3 млрд. сўм) ёки прогнозга нисбатан 128 фоизни ташкил этди. Натижада, 9 ойлик якунларига кўра, 536,7 млрд. сўм (шундан, қўшилган қиймат солиғининг 2021 йил 2-чорак прогнозидан ошириб бажарилган қисмидан 10,7 млрд. сўм) маблағ маҳаллий бюджет ихтиёрида қолдирилди.

Семинарда 2022 йил Давлат бюджетини шакллантиришда солиқ сиёсатининг асосий ўйналишлари, маҳаллий бюджетда назарда тутилаётган харажатлар прогнози ҳақида ҳам маълумотлар берилди. 2022 йил учун Фарфона вилояти бўйича маҳаллий бюджетнинг харажатлари 5 трлн. 533,4 млрд. сўмни (2021 йилга нисбатан 145%), тартибга солувчи бюджетлараро трансферлар 1 трлн. 319,8 млрд сўмни (2021 йилга нисбатан мос равишда 145%) ташкил этиши назарда тутилмоқда.

Хусусан, харажатлар таркибида жами 599,3 млрд сўм маблағ Давлат дастурлари ва тадбирларига ажратилиши назарда тутилмоқда.

Тадбирда "Очиқ бюджет" (<https://openbudget.uz/>) ахборот портали орқали жамоатчилик фикри асосида ташабbusлар молиялаштирилаётганлиги, ҳудудлардаги муаммоларни ҳал қилиш учун бу имкониятдан фойдаланишда депутатлар ҳам фаол бўлишлари кераклиги таъкидланди. Шунингдек, депутатлар маҳаллий бюджет ҳаражатлари бўйича ўзларини қизиқтирган саволларга мутасаддилардан жавоблар олдилар.

Олий Мажлисга муҳокамага киритиш учун ўз таклифларини ўртага ташладилар. Зотан, давлатимиз раҳбари таъкидлаганидек, мамлакатимизда инсон қадрини улуғлаш, одамлар ҳаётини яхшилаш бош мақсад этиб белгиланган ва бу тамойиллар бюджетни шакллантиришда ҳам бош мезон бўлиши зарур.